



周易義例卦爻



全

口仁18  
1592

屬附學大田稻早	
館書圖	
寄第一	
總書	
第	143 號
第	10 卷
出帶許不外館書此	



012  
1592  
卷



周易義例考

一 凡程傳云卦才者即本義所云卦体卦從也彖詞曰彖者材也蓋言一卦之材用也其字義本此一凡程傳云卦義者言成卦之義也漸之彖曰漸之進也進有其序漸之義也此類可見故彖或曰時義或曰義用

一 凡言卦象者謂卦之上下兩象也乾曰天兌曰澤巽曰火曰日曰電曰明震曰雷巽曰風曰木坎曰水曰雲曰雨曰泉艮曰山坤曰地是也鼎之彖曰鼎象也者言卦形如鼎耳與此異頤噬嗑亦尔

一 凡云卦變者謂自他卦而來居于此卦也易中二

十許卦言之程子認皆乾坤而爻朱子謂六十四卦自相往來予則認反對中自相往來耳詩干下考若失筮而言變者由九六之變而為他卦即左氏傳所云之卦也与此異矣

一凡本義云卦從者乾健坤順坎險震明震動艮止兌說巽入是也乾或曰剛坤或曰柔巽或曰入

一凡本義云卦體者謂每卦陰陽上下之位各自不同從人之耳目口鼻人之不同也詩曰體無咎言是也通一卦而言若夫以內外卦為二體者乃併

各三爻而言泰之下三爻為乾體否之下三爻為坤體是也凡言兌體坎體或震曰明體坤曰順體

皆準比本義或不言卦體而言二體蓋別之也

一凡卦自下而上故最下第一爻名之曰初最上第

六爻名之曰上初二三為內卦四五上為外卦內

卦曰貞外卦曰悔洪範曰貞曰悔是也

一凡卦內初三五為陽位二四上為陰位之奇耦

也其爻奇者一名之曰九陽爻也其偶者一名之

曰六陰爻也陽爻居陽位為正初九二三九五是

也陰爻居陰位亦為正六二六四上六是也陽爻

居陰位為不正九二九四上九是也陰爻居陽位

言得位失位舉卦之始終為言

一凡內卦以二為中外卦以五為中故六二九五中

亦為不正初六中  
六五是也然卦  
中初與上不

而又正九二六五中而不正然中重於正故此四爻  
多吉辭

一凡爻在上曰乘在下曰承相對曰忘相並曰比內  
卦與外卦以位相忘初與四二與五三與上為忘  
一陰一陽則忘如九五與六二九二與六五是也  
俱陰陽則不忘如九五與九二六五與六二是也  
忘則君臣相遇夫婦相合之象不忘則反是

一凡言成卦之主者除乾坤之外就三畫卦而言震  
之初坎之中艮之上是也巽離兌亦然蓋六子卦  
各得乾坤一爻而成卦故卦中陰陽唯一爻者為  
主也系詞云陽卦多陰陰卦多陽如程傳所云卦

俱陽

二

各不取成卦之義則就六畫卦而言與此異矣  
一凡言重卦者認重三畫卦而為六畫卦也故曰文  
王重卦即係詞所云因而重之者也若夫認八純  
卦為重卦乃認同体重疊耳如乾下乾上為乾坤  
下坤上為坤是也艮傳所認重艮之象者亦然  
一凡易有象有占本義每分別之如乾之初九爻曰  
潛龍此象曰勿用此占然諸爻中或有象而無占  
如坤之履霜冰至是也或有占而無象如坤之  
用六利永貞是也係詞曰君子居則觀其象而玩  
其辭動則觀其變而玩其占然則每爻各有象有  
占顧觀者之用處如何耳

一凡彖象皆悞韻朱子語類中書及之故曰中正曰  
正中曰中直皆使韻耳無異義也。有慶有喜等亦  
然。程傳或由此生義者非矣。

義例終

周易卦變考

恭寬曰先人  
當作象君  
或大人也仁  
益先生存  
之時也又按  
得先生之誤  
乎

彖言卦變者凡二十卦。程子以為自乾坤來。朱子  
以為六十四卦自相往來。作圖載本義卷首。劉呆  
齋善程子之說。知見困先人常稱之予謂伊川之說  
固可從也。而其往來者反對二卦自相往來焉耳。  
蓋六十四卦自乾坤至既濟未濟皆二卦反對相  
副以叙六十四卦。畜轉則只是三十二卦。其中不  
可倒轉者乾坤坎巽中孚小過頤大過八卦耳。說  
卦變者皆以其反對錯而說之。如無妄大畜蹇解  
等尤可見矣。讀易之次恍然有得。檢諸疏義皆無  
其說。閱朱漢上易傳唯無妄一卦與予說合。後貨

得明梁山來知從易注盡与予說合乃不言卦變  
 而言卦綜蓋取二卦錯綜之義也今見雜卦傳亦  
 皆對言二卦想取錯雜之義也曰以此說問于家  
 君乃曰此說亦有理熟復以成其說故今舉二十  
 卦彖辭以述管見遠於易者或知之矣作卦變考  
 皆空永元年甲申之春伊藤長胤原藏甫識

*（Faint bleed-through text from the reverse side of the page, including characters like '易', '卦', '變', '考'）*

需	訟	明夷
泰	否	睽
隨	蠱	解
噬嗑	賁	鼎
无妄	大畜	歸妹
咸	恒	渙
		節
右二十四卦之中彖言卦變者凡二十卦		
乾	坤	坎
中孚	小過	頤
		大過
右八卦全倒轉而自成本卦不成兩卦蓋卦		

体然也餘五十六卦倒則成兩卦只是二十八  
卦可見二卦相對以叙東谷鄭氏非序卦見  
至解可認卓見矣

●需

需○彖曰需有孚光亨貞吉位乎天位以正中也利  
涉大川往有功也▲傳居天位指五坎正申兼二言  
▲本義以卦体及兩象釋卦辭

○亂按需之彖傳義俱不做卦變說其曰往有功也  
則其為卦變可知矣蓋需者訟之反故二卦相比  
並坎体在訟則為內卦在需則為外卦倒轉則訟  
之九二為需之九五故曰位乎天位曰往有功也  
皆主九五一爻言自內進外得君位也凡云往者  
自內体而進外体也且其曰利涉大川則以坎進  
上体而言明矣

三三訟  
三三需  
私說

●訟

訟○彖曰訟有孚窒惕中吉剛來而得中也不利涉大川入于淵也▲傳九二以剛自外來而成訟則二乃訟之主也卦義不取成卦之由則更不言取變之爻也▲本義卦變自遯而來為剛來居二而當下卦之中

三三乾  
三三遯  
三三訟  
三三訟  
程子說  
朱說

按乾之上亨  
恐當作坤

胤按程子謂訟之內卦本乾之陽爻來而居二

兩

故云剛來朱子謂訟之與遯卦体相同但二三阴阳不同遯之三變而為訟則下而居二故云剛來此就二爻互換上言予則謂此自需而來耳需之九五來于訟而居二故云剛來蓋自外卦而來內卦也○鄭氏曰九卦稱往來皆以兩卦反對言自內而外曰往自外而內曰來以需五來居訟二故曰剛來而得中也○曹氏曰九二剛也坎在需為上卦在訟為下卦剛來者自外卦而來也

三三需  
三三訟  
私說

按鄭氏說卦變二卦反對就爻言剛柔上下與先說正符同



然細看稍亦有不同處書氏二卦反對說卦變則宜先說同然書  
氏乃就八純卦分例彙上下往來以三畫卦為說此則与先說大  
不同矣

●泰

泰小往大來吉亨△傳小謂陰大謂陽往之於外  
也來之居於內也△本義小謂陰大謂陽言坤往居  
外乾來居內又自歸妹來則六往居四九來居三也

三三歸妹

朱說

三三泰

說按地天為泰天地為否故此二卦反對相比故  
卦辭泰則曰小往大來否則曰大往小來二卦迭

而言之可見二卦互相往來其係辭亦明矣然則  
諸卦言往來亦當以此例推之但諸卦一爻往來  
而泰否則三爻往來故不言剛柔而言大小也○  
鄭氏曰往來以內外言蓋自否泰反對觀否三陰  
往而居泰之外否三陽來而居泰之內故曰小往  
大來

否 三三 大往小來

私說

泰 三三 小往大來

●否

否大往小來△傳大往小來陽往而陰來也△本義  
乾往居外坤來居內又自漸卦而來則九往居四六

泰居三也

漸

未說

否

亂按否之變自泰而來圖說已具于泰卦○鄒氏曰泰三陽往而居否之外泰三陰來而居否之內故曰大往小來

韶按泰否二卦說大小往來傳義共就上下三畫卦說則此二卦之卦變與先說不異但其本義下一說別與他卦之例同

隨

隨元亨利貞无咎○彖曰隨剛來而下柔○傳剛來

以示私說  
入心力

柔

而下柔謂乾之上九來居坤之下坤之初六往居乾之上以陽剛來下於陰柔○本義以卦變言之本自困卦九來居初又自噬嗑九來居五而自來濟來者兼此二變皆剛來隨之義

乾

程說

困 噬嗑 未濟

朱說

坤 隨

隨 隨 隨

亂按隨者盡之反也故此二卦自相往來隨內一

陽外一陰盡內一陰外一陽盡之上九在隨則來于內卦在二陰之下故曰剛來而下柔九曰進曰往者自內卦而上外卦也曰來曰下者自外卦而下內卦也盡之彖可併見矣○鄒氏曰剛來下柔

以子毛私說  
入心

以盜反對言。說盜上九來居隨初而下上六也。卦以兌隨震為義。○曹氏曰此卦震剛在下兌柔在上是剛來下柔也。

●盜

盜元亨。○彖曰盜剛上而柔下。△傳剛上而柔下。謂乾之初九上而為上九坤之上六下而為初六也。△李義其卦艮剛居上巽柔居下或曰卦變自賁來者初上二下自井來者五上二下自既濟來者兼之亦剛上而柔下皆所以為盜也。

三三乾

程說

三三賁 三三井 三三既濟

未說

三三坤

三三盜

三三盜

三三盜

三三盜

洵按盜之剛上而柔下程子以卦變言之朱子兼卦體卦變二說今以諸卦彖例推之若以卦體內外言則當曰上剛而下柔見否彖可見矣今日剛上而柔下則知以卦變言也明矣蓋盜與隨二卦自相往來盜者隨之反也隨變而為盜則初九上而為上九自內卦而進外卦故曰剛上上六下而為初六自外卦而來內卦故曰柔下凡言往來者皆反對二卦互而言之且主成卦之主一爻而言也○鄭氏亦欠解

三三隨

私說

三三盜

噬嗑

噬嗑亨利用獄。彖曰柔得中而上行，雖不當位，利甲獄也。△傳六五以柔居中上行，認居尊位。△本義本自益卦六四之柔上行，以至於五而得其中。

益

朱說

噬嗑

胤按此卦程傳不以卦變言之，然現其曰上行則其為卦變可知矣。蓋噬嗑者賁之反對，賁卦內離外艮，賁之中爻成卦之主，在噬嗑則上行為六五，故曰柔得中而上行。九彖曰柔進而上行者，皆倣此。○鄭氏曰柔得中指五，言曰上行者認賁之賁。

進而居噬嗑之上也。△按賁不可言柔，主一爻而言。○書氏曰噬嗑柔得中而上行者，以賁下卦賁之柔得中上而行，居于噬嗑之上卦為六五也。以六居五，故不當位。

賁

朱說

噬嗑

賁

賁亨，小利有攸往。○彖曰柔來而文剛，故亨。分剛上而文柔，故小利有攸往。△傳下体本乾，柔來文其中而為賁。上體本坤，剛往文其上而為艮。又曰分乾之中爻往文於艮之上也。△本義卦自損未者，柔自三

未而文二剛自二上而文三自既濟而未者柔自上

三三坤乾

程說

三三損三三既濟

朱說

三三賁

三三賁三三賁三三賁

三三賁

亂按賁卦之變程子同王弼注皆認自坤乾來正義則認自泰卦來朱子則認自損既濟來予則認自噬嗑來言耳噬嗑者賁之反噬嗑者外而賁則內噬嗑之六五在賁則為六二文飾於二陽之間故云柔來而文剛噬嗑震下賁艮上倒轉則噬嗑之初九為賁之上九在二阴之上故云分剛上而文柔○鄒氏曰柔來文剛者六二也以自噬嗑

六五來故曰來剛上文柔者上九也以自噬嗑初九上故曰上柔來而成震○明卦剛上而成艮○亦明卦故皆曰文此賁之所以為賁也○曹氏曰賁之柔來文剛者噬嗑上卦之柔來文賁之剛也分剛而文柔者又分噬嗑下卦之剛上而為艮以文柔也

三三噬嗑

程說

三三賁

●无妄

无妄元亨利貞○彖曰无妄剛自外來而為主於內△傳謂初九也坤初爻變而為震剛自外而來也震

以以初爻為主成卦由之故初為无妄之主△本義為卦自訟而變九自二來而居於初又為震主

☰

韶楊以卦當作乾

程說

☰

朱說

☰

无妄

☰

无妄

亂按彖說卦變及對二卦內外往來見此卦其証尤明矣无妄与大畜相往來大畜外卦之上九在而為主於內所謂外者大畜之上體也所謂內者无妄則來于內卦為初九成卦之主故云剛自外來无妄之下體也自上而下故曰來其在大畜則曰剛上而尚賢亦謂无妄之初上而為大畜之上其說不亦明矣乎若如傳義說則內乃指無妄之內

為

體而其外云者乃泛稱他卦而言其義不倫觀漢上朱氏易說此卦變通与予說符他卦乃不然○邵氏曰卦以下為內上為外无妄故与大畜反對大畜以艮上一陽為主剛在外无妄以震下一陽為主剛在內故曰剛自外來而主于內○曹氏曰如无妄之剛自外來者大畜上卦之艮來居无妄之下卦而為震也故曰剛自外來而為主于內○又曰剛自外來是外卦純乾之剛來而為主于初也震之初即乾之初畫此乃卦之主也○按此專就本卦而言与諸說異

☰

☰

无妄私說

●大畜

大畜利貞○彖曰剛上而尚賢能上健大正也△傳  
陽剛居尊位之上為尚賢之義△本義此卦自需而  
來九自五上以卦体言六五尊而尚之

三三需

卦說

三三大畜

亂按此自无妄而來无妄者大畜之。而相並无  
妄之初九在大畜則為上九故曰上而尚賢蓋在  
无妄内卦言則除初九之外無剛之可言在大畜  
外卦言則除上九之外亦無剛之可言此二卦之  
爻互相往來故无妄則云剛自外來而為主於内

反

大畜則曰剛上而尚賢九卦變皆可以此推之云  
○鄭氏曰剛上謂上九以自无妄之震陽來故曰  
上賢謂三陽尚之者上也同從故也○曰曹氏曰大  
畜之剛上者无妄下卦之震上而為大畜之艮也  
○又曰以剛居上指上九賢謂内卦乾三爻○按  
此亦与諸說異諸說直以賢為上九不可易也

三三无妄

私說

三三大畜

●咸

咸亨利貞取女吉○彖曰柔上而剛下△程傳在卦  
則柔爻上而剛爻下柔上變剛而成兌剛下變柔而

成艮△本義或以卦變言曰咸自旅柔上居六剛下居五也亦通

☶ 旅

朱子說

☱ 咸

說按此自恒而變咸恒二卦亦相錯說○曹氏曰如咸之柔上者恒下卦之巽上而為咸之兌也剛下者恒上卦之震下而為咸之艮也

☱ 恒

私說

☱ 咸

● 恒

恒亨无咎利貞利有攸往○彖曰剛上而柔下△傳

震上巽

剛上而柔下謂乾之初上居於四坤之初下居於初剛爻上而柔爻下也二爻易處則成震巽下亦剛上而柔下也剛處上而柔居下乃恒道也△本義或以卦變曰恒自豐來剛上居二柔下居初也亦通

☱ 豐

朱子說

☱ 恒

說按程傳不取卦變朱義以卦變備一說此卦變自成而變圖見于上○鄭氏曰剛謂震柔謂巽剛上柔下則其分可久也○曹氏曰恒之剛上者咸下卦之艮上而為恒之震也柔下者咸上卦之兌下而為恒之巽也○又曰震剛在上巽柔在下剛



柔各得其位理之常也

●晉

晉康侯用錫馬蕃庶○彖曰柔進而上行△傳柔進而上行凡卦柔在上者柔居君位多云柔進而上行噬盜睽鼎是也△本義其變自觀而未為六四之柔進而上行以至十五

三三晉

朱說

三三觀

胤按程傳亦不做卦變柔進而上行此自明夷之六二而進居六五耳其與晉明夷亦是反對卦故互往來○鄒氏曰明夷之二進而為晉之五故稱

也

十也

進

柔進而上行○曹氏曰晉之柔進而上行者以與明夷二卦同体綜為一卦言以明夷下卦之離而為晉上卦之震也

三三晉

私說

三三明夷

●睽

睽小事吉○彖曰柔進而上行△傳九寄在上而柔欲見柔居尊者則曰柔進而上行晉鼎是也△本義自柔未者柔進居三自中孚未者柔進居五自家入未者兼之

三三離三三中孚三三家人

共來說

三三睽三三睽三三睽

論按彖云柔進而上行者凡四卦程子皆為柔居  
尊位說然卦有六五者孰不可說且彖曰進曰上  
者皆指卦變則本義可從也然二爻互換六十四  
卦皆可言柔進而上者其不可言者唯乾坤否觀  
剝遯始七卦耳蓋睽者家人之反對家人之六二  
上而為睽之六五故曰柔進而上行程子言進之  
為六五而不言其為卦變朱子言進之為卦變而  
不言柔之為六五所且俱不得彖之本旨也○鄭  
氏曰柔進而上行者謂家人之二進而位睽之五  
也○曹氏曰睽之柔進而上行者睽綜家人為一  
卦言以家人下卦之柔進而為睽之上卦也

家人

睽

私說

●蹇

蹇利西南不利東北利見大人貞吉○彖曰蹇利西  
南往得中也不利東北其道窮也利見大人往有功  
也當位貞吉以正邦也△程傳九上居五而得中正  
之位是往而得平易之地故為利也蓋卦體坤由五  
往而成坎故但取往而得中△本義卦自小過而未  
陽進則往居五而得中退則入於艮而不進故其占  
曰利西南而不利東北

坤 三三 三三 蹇 程說 三三 小過 三三 蹇 朱說

胤按蹇者解之反故其彖辭亦相通以說蹇上体坎解下体坎而坎之為卦曰坤中爻變西南坤方故蹇是解二卦俱言利西南自蹇而言則解之九二往而為蹇之九五故曰利見大人又曰往得中也其曰不利東北者東北艮方蹇之下体有艮故曰不利又曰其道窮也○鄭氏曰往本五言窮本三言解之二往而為蹇之五故稱往稱中三憑險而止故稱窮○曹氏曰蹇之利西南往得中者以解下卦之坎往而為蹇上卦之九五得其中也不利東北其道窮者以解上卦之震下而為蹇下卦之艮也蹇難在東北故曰道窮

三三

解

坎下震上

私說

三三

蹇

艮下坎上

●解

解利西南无攸往其来復吉有攸往夙吉○彖曰解利西南往得衆也其来復吉乃得中也其有攸往夙吉往有功也○本義卦自升来三往居四入於坤体二居其所而又得中故利於西南平易之地

三三

升

朱說

三三

解

胤按解之內坎蹇之外坎：本坤中爻變故二卦俱說西南西南為坤說卦有明文坤卦亦曰西南

得朋程子之說不可移焉然二卦錯而言之則程子亦不說及也本義入於坤體之說最不可曉蓋欲言西南為坤耳然於蹇卦則不復言焉只言西南平易者何哉蓋解者蹇之反也蹇之外變而為解之內故云利西南而其所主在九二爻故彖乃曰乃得中也此二卦錯綜而其證尤明矣○ 鄒氏曰蹇之五未而為解之二故稱未復稱中○ 曹氏曰解之利西南往得象者以蹇下卦之艮往而為解上卦之震也震二爻皆坤上故得象其未復吉乃得中者以蹇上卦之坎未而為解下卦之坎也二居內卦之中故曰得中卦例自下而上曰往

自上而下曰來



蹇 艮下坎上



解 坎下震上

● 鼎

鼎元吉亨○彖曰柔進而上行○程傳凡離在上者皆云柔進而上行柔在下之物乃居尊位進而上行也△本義卦自巽未陰進居五而下忘九二之陽



鼎 朱說



淵按鼎者革之反也革離下鼎離上革之六二在鼎則為六五故曰柔進而上行彖曰柔進而上行

者四皆倣此例程子不做卦變說者何哉○鄭氏曰六五乃革之六二本居下者也及而為鼎則進居尊位又得位而與九二志故曰柔進而上行得中而志乎剛

三三革

私說

三三鼎

●漸

漸女歸吉利貞○彖曰進得位往有功也進以正可以正邦也△本義以卦變叙利貞之意蓋此卦之變貞渙而未九進居三自旅而未九進居五皆為得位之正○其位剛得中也△本義以卦体言謂九五也

十八

三三渙三三旅

三三漸三三漸

并未說

胤按彖曰進得位程傳不由卦變唯以在漸時而陰陽各得正位而言進耳朱子則做卦變就三五二爻得位而言凡彖曰進者皆就卦變言則朱子說可從也然予謂此特就九五一爻而言也蓋漸者歸妹之反歸妹之九二在漸則進為九五中正之爻故云往有功也又曰進以正又曰剛得中也蓋此三句相連皆贊九五之剛中進而得位耳朱義兼說三五二爻故以剛中句為指九五恐不然也○鄭氏曰歸妹之三位不當也今進而為漸之

四則當矣故曰進得位往有功謂冢也○按此說與予說同而所指爻不同就六四而言九卦變以主爻而言鄭氏說當從然則剛中一句非言卦變也為贊卦体為耳

三歸妹

私說

三漸

●歸妹

歸妹征凶无攸利○彖曰征凶位不当也无攸利柔乘剛也△本義卦之諸爻皆不得正三五又皆以柔乘剛故其占征凶而无攸利也九語數言說卦變者十也

亂按歸妹卦傳義俱不做卦變說今以例推之亦當為卦變歸妹者漸之反對漸之六二在歸妹則進而為六五居九四之上故云征凶位不当也无攸利柔乘剛也旧說以自二至五為位不当以三五二爻為柔乘剛恐難分析

三漸

私說

三歸妹

●渙

渙亨○彖曰渙亨剛來而不窮柔得位乎外而上同△傳渙之成渙由九來居二六上居四也△本義其變則本自漸卦九來居二而得中六往居三得九之

位而上同於四故其占可亨

三三乾三三坤

程說

三三漸

朱說

三三渙

三三渙

亂按渙卦之變程子就二四言朱子主二三互換而言然彖曰柔得位乎外則就外卦巽體而言明矣若主六三言則不當言外也程子之說可從也然其所由來則不及也蓋渙者節之反對節之九五在渙則為九二皆坎體也故云剛來而不窮自外卦而來內卦也節之六三在渙則倒作六四故云柔得位乎外而上同自內卦而進外卦而上順二陽也○鄒氏曰渙之所以亨者以二四兩爻言

念

也剛謂二二坎主也柔謂四四巽主也節之九五未居二得中而不窮于險節之六三往居四得柔之正位于外卦而與五比此其所以亨也

三三節

私說

三三渙

卦變考畢

丁卯二年壬寅夏五月八日朝旨畢

榘山左之木心定謹記





